

Ulorianartorsiorfinnik naliliineq

Ilanngussaq 2-mi aamma 3-mi kemiimut tunngavissat aamma misissugassanik tiguisarnerup akulikissusii, ilanngussaq 4-mi aamma 5-imi kemiimut tunngavissanut aalajangersarneqartut, ilanngussami matumani piumasaqaatit naammassineqarsimappata, saneqqunneqarsinnaapput.

Ulorianartorsiorfinnut naliliineq, ulorianartorsiorfinnik naliliisarnermut tunngavissanik tamanut atuuttunik, nunani tamalaani malitassani, soorlu *EN 15975-2: »Imerk imerneqarsinnaasumik pilersuiffinni isumannaassuseq — ulorianartorsiorfinnik ajornartoorfinnullu aqutsinissamut ilitersuutit«-ni* allaaserineqartut tunngavigalugit ingerlanneqassaaq, aammalu imermik imerneqarsinnaasumik misissuinerup inerneru eqqarsaatigineqassallutik.

Misissugassanik tiguisarfiit tiguisarnerillu akulikissusaat tunngavissat aallaaviinut kiisalu allanngorarfiinut eqimassusiinilu piffissami sivisuumi pisartunut naleqqiullugit, § 6-imi piumasaqaatit, sumiiffinni ilanngussaq 2 aamma 3 naapertorlugu imermut imerneqarsinnaasumut pitsaassutsimik piumasaqaatinik naammassinniffiusussanik allattuiffiusut eqqarsaatigalugit aalajangersarneqassapput.

Tunngavissami ataatsimi ilanngussaq 4 aamma 5 naapertorlugit misissugassanik tiguisarnerup akulikinnerpaaffissaa annikilliniarlugu, misissukkat sivikinnerpaamik ukiuni 3-ni misissugassanik tiguisiffissanit, pilersuiviusumut tamarmiusumut takussutissiiviusunit akuttoqatigiinnik tiguneqartartut inerneru tamarmik pitsaassutsimut piumasaqaatit 60%-iinit annikinnerussapput.

Tunngavissat, ilanngussaq 2 aamma 3 naapertorlugu tunngavissat misissuiffigineqartussat allattorsimaffiannit peerniarlugit, misissukkat sivikinnerpaamik ukiuni 3-ni misissugassanik tiguisiffissanit, pilersuiviusumut tamarmiusumut takussutissiiviusunit akuttoqatigiinnik tiguneqartartut inerneru tamarmik pitsaassutsimut piumasaqaatit 30%-iinit annikinnerussapput.

Tunngavissat, ilanngussaq 2 aamma 3 naapertorlugu tunngavissat misissuiffigineqartussat allattorsimaffiannit peerniarlugit, ulorianartorsiorfinnik naliliinerup inerneru tunngavigineqassaaq, tassani imermut imerneqarsinnaasumut puilasut misissuiffigineqarnerisa inerneru inuit peqqissusaat erngup imerneqarsinnaasup qanorluunniit mingutsinneqarnerani sunniutissanut ulorianaatilinnut illersorneqarnerannik uppernarsaaviusut aallaavigineqassallutik.

Misissugassanik tiguisarnerup akulikissusiata annikillinissaa, imaluunniit tunngavissap ataatsip tunngavissanit misissorneqartussanit peerneqarnissaa taamaallaat pisinnaavoq, pissutsinik erngup

imerneqarsinnaasup pitsaassusaanik ajorseriartitsisinnaasutut naammaginatumik
eqqoriarneqarsinnaasunik peqanngitsoq ulorianartorsiorfinnik naliliinermi uppersarneqarpat.